

بشارة خير

شعر
مجدى حمودة
المحسنى

تقديم
د . يسرى العزب

مطبوعات الفجر
تصدر عن جماعة الفجر الأدبية بالقاهرة

المشرف على التحرير

دكتور بسري العزب

المراسلات باسم: المشرف على التحرير
الجيزة - أرض اللواء - فيصل
١١ ش محمد منصور
تليفاكس ٥٧٠٢٢٤٢

لوحة الغلاف والرسومات الداخلية
للفنانون مجدي حمودة المحسني

الأهداء

إلى كل من علمني حرفاً وجعلني عاشقاً للحب
إلى أبي وأمي وأخي وزوجتي وأبنائي حياً بلا حدود
إلى من أدين له بالجميل والحب الوفير والحنن الكبير
الإنسان الشاعر الدكتور يسري العزب
إلى أرض الصمود والوعد المكتوب مسقط رأس
(السويس)
إلى قريتي التي ترعرت بها طفولتي (المحاسنة)
إلى فقراء مصر وعظماؤها
إلى وطني الحبيب.

بشرة الخير في ديوان مجدي حمودة تقديم بقلم الدكتور يسرى العزبج

هذا هو الديوان الأول للشاعر مجدي حمودة ...
أقدمه مزهوا .. فخورا .. بنضجه .. منتشيا بما يتضمنه من
قصائد جميلة .. تحمل روح الوطن .. وتعبق برائحة
الأرض .. من صعيدنا جاءت مفرداته .. ومن عرق فلاحينا
استمد الشاعر مداده .. ومن صلابة موقف الملايين العربية
ضد كل ما هو عدو .. وإصرارهم على مقاومته حتى
يندحر .. منزاحا عن أرضنا .. تاركاً لنا حرية تخضيرها
بدمنا .. بعرقنا .. بإخلاصنا .. بحبنا .. بكل ما يحتويه انتماؤنا
من عناصر .. مؤمنين بأننا في النهاية سنحقق النصر لهذا
الوطن ، - لأننا - في البداية - حققنا الانتصار لكل القيم
التي تجعلنا قادرين على الفوز .

منذ ثلاثة أعوام .. ثلاثة أعوام فقط .. كان مجدي
حمودة لا يملك سوى ما يملكه العشاق في البدء .. الانتماء
للوطن والحرص على قيمه والرغبة في تحقيق النصر
المجيد له .. متمثلاً في موهبة بكر .. لا تملك من أدوات
التعبير سوى القليل .. سرعان ما التقطت هذه الخيوط الأولى

البادية لهذه الموهبة الجديدة.. لكن صاحبها مجدي حمودة
كان أسرع مني في الاستجابة.. حين أصغى جيداً للنصح..
واستوعب قدر الحب الذي به تتحول الموهبة - حين
تتضجها الثقافة - إلى جذوة إبداعية تضيء على الدوام..
راح يقرأ ويقرأ ويقرأ.. ثم يكتب ويطلعنا - في ندوة الفجر
وفي جمعية الأدباء - على تجاربه الشعرية.. أكد لكل
زملائه أنه أهل للثقة.. وأهل للحب.. لأنه فنان مصري يبدأ
من الفطرة ويسعى بالثقافة لتطوير آليات الفن.. ليؤكد في
قصائده بالفطرة - من جديد - أن الإبداع الجميل إحدى
السمات الأصيلة في هذا الشعب النبيل.
تحية لمجدي حمودة.. ومواصلة مني.. للرهان
على تفوقه الدائم.. الذي سيتحقق - بالحثم - في كل ما يقدم
لنا من إبداعات..
ودائماً سأحصل على جائزة التفوق.. وما أعظمها
وأغلاها إذا كانت آملاً يتحقق.

د. يسوى العزب

٢٠٠٥/١/٣١

هيجصل إيه؟

بتكتم ليه على نفسك
وتتألم وتتنهد ما تتكلم
هيجصل إيه لو اتكلمت؟
هتبقى الدنيا بالمقلوب
وايه يعني.. ما كل الدنيا مقلوبة؟
وايه معدول؟
هيتغير ماعون المش
ويتبدل ما عون الفول
هيبقى لحمة مشوية
فراخ .. زغاليل ومحشية

وايه يعني؟
هيتغير بقي الحنطور
وتيجي بداله عربية
موتورها يبقى ستة حصان
بدال الشي والفين حا .. لألف حمار
ونتقدم بقي لقدام
وتبقى حياتنا حرية
بدال العيش في قلب الخص
ما نسكن قصر منه نبص
نشوف الدنيا م العالي
وفوق القصر يركب (دش)
نشوف الغرب بعيننا
ونتغير حاجات فينا
إلى الأسوأ
هيحصل إيه
لو اتكلمت؟

الجنة بهية

كانت تقعد وسط الدار
ليل ونهار
تحكي لأحفادها الحدوتة
توتة توتة
وف يوم قالت حدوتة
إصغطوته
عن أيام سبعة وستين
كانت مرة
كانت أيام زي الطين
كانت الجنة بتتصح فينا

إوعى يا ولدي
إوعي توافق يوم ليهودي
يسكن عندك
إوعاك ترهن شبر ف أرضك
مش هيسيبها
والحرية هتضيع منك
حتى ف بيتك تبقى جبان
وصوت الحق ان خاف ما يبان
احذر يا ابني م الصهيوني
يقطع جسر ك إنت واخوك
يبقى جدار الأمن اتكسر
يرفع بينكو سدود وحدود
واللي هيفضل منك يا ولدي
يبقوا عبيد.

إمتى تصبوا

خمسين سنة ويزيد
مخنوقة أنفاسي
مسجونة في قصر حديد
ما بين إيدين ناسي
أشرب في كأس المرار
مخلوعة أضرارسي
تعابين بتزحف لي
ونائمة حراسي
عاشين حياة الهنا
والضرب فوق راسي

اللقمة مستوردة
ومكسرين فاسي
في الصيف بيتفسحوا
والهدم في أساسي
إمتى هتصحوا بقى
وتحسوا إحساسى.



بشرة خير

يا فجر بكرة .. اللي جاي
ابعت رسالة مع النسيم
بشرني بشرة أنبياء
واديني فيها الخير كتير
قل لي النهار هيجيب معاه
بشرة حلال .. للمسلمين
خليني أعيش .. على أمل
وأبتدي .. عهد العمل
أبني هرم .. واحفر قنا
واشوق نيل للعطشانين

واجدل دراع الشقيانين
الكادحين ..العرقانين
واضحك لكل المحرومين
وأمد يدي
للي زارعين الأمل



لقطات

(١)

باحلم يكون لي وطن
أبني فوقيه بيتي الكبير
والعب واطير
لا اثنوف حدود
ولا عدو
اسمه اسرائيل

(٢)

باحلم أكون فنان
أرسم خريطة ع الحيطان
أكتب بها عنوان

وطن محتل
فصيلة دمي أظهر دم
باحلم يكون اسمي (شهيد)

(٣)

عجبي عليك يا حمار
حمل أسية كثير
يحملوك أنقال
ولا يوم شكيت لغفير
طول النهار في الغيط
تشيل تراب برسيم
ماجيتش يوم ملبت
ولا من هنا هجيت

(٤)

خليك في الغيط بطل
تفرق ما بين الأراضي
لا بتتفع ليل ولا نهار

نكيد بيك الأعادي

(٥)

عامل فيها ابن ناس
وانت حشيش البيار
خبوا الحواض والمزاير
أنصف في ساعة عكار

(٦)

خدتك في الدنيا صاحب
وقلت في الضيق هالاقبك
لقبتك في الضيق بتهرب
ما حصلتش فرخة ولا ديك

(٧)

عامل لي ذكر ياخي
وانت ذكر فسي
تجيب في سيرة الناس
وسيرتك مع كل حي.



دیمشقت

يا زينة البلاد
يا أرض الكرم والجود
رجالك مشايخ عرب
وحياة ربنا المعبود
نهر (العزب) فيكي
متربع في وسط القلوب
ريحتك .. عبق أصيل
معطر جميع الوجود
تسعدى دائما ضيوفك
زرعك ذهب مبدور
شعاعك منارة علم
منور جميع القصور
تلاميذ (دكتور عزب)

بيقولوا كلام منظوم
إبداع في كل الأدب
ونحت كل فنون
مكتوب على ضهر الزمن
(ديمشلت) عروسة الوطن
نجم الزمن والكون
ومنها (يسرى العزب) شاعر.. كمان دكتور
في جميع قصور الأدب ما بين نجوع وكفور
الكلمة هي الوطن .. وياه بقلب جسور
تعظيم سلام (للعزب)
واللي معاه في الدور..
يحب أرض الوطن
ويدفع المعلوم..
روحه وماله فدا
وادي حلاوة القول:
ليحيا كل الوطن
ليبقى في القول.. قول ..

نشرت هذه القصيدة بمجلة المنصورة فبراير ٢٠٠٤

النهر الطيب

نهر وفايض بالنعيمات
بدرمنور في الندوات
حاضن كل شباب الجيل
راعي الكل وقلبه كبير
وردة رحيقها في البساتين
" يسرى العزب "
يا نهر زي النيل
تروي آلاف فدادين
نحضرَ فينا جيل ورا جيل
يا نبع في البساتين

يا ابن النيل
يا الليّ ما لكش مثيل
أتمني بعد الأكم
في الدنيا تبقي سعيد
تملا الحياة زغاريد
تسعد قلوب عاشقك
لما يهل لقاءك
يا نهر دايمًا جديد
أصاك طيب
زي النخلة الليّ ما تتعيب
أصلها ثابت تحت الأرض
فرعها يدي
وعمره ما خيب
نهر وفايض
يا ابن النيل

الإيد الشقيانة

بالقصعة ف عز القيالة
ها نشيل المونة يا رجالة
تحتينا تغني السقالة
وتقول الهمة يا شغالة
ودوها للبنا يعلي
وكرينا يزغرد ويغني
يرقص في إيدنا الشقيانة
وبيوتنا هتصبح عمرانة
والإيد في الإيد البركة تزيد

في الأرض البكر الشرقانة
محاربت تحرت والله يرزق
وقلوبنا بالخير عمرانة
من نهر النيل أبو قلب كبير
مليان شرايين تروى الملايين
وتخضّر الأرض العطشانة.



لمحة

ع الناصية
واقف على جبينه الزمن
معلم مسافات من السفر البعيد
تجاعيد الحواري والدروب
بيشكي للزمن همه
عينه بتتظر
ع اللي رايح واللي جاي
يشوف الناس بحسرة وخوف
ويشكي آلامه للأيام
وييسجل بواقى العمر

على ورق الهوا اللي جاي
بدمع اسود بلون الليل
ويضرب كف فوق الكف
وجرحه بينزف الأحزان
ويضحك م الشفايف دمع
وهدمة تغير من الهدمة
اللي لابسها راجل غيره
وجزمة عليها ميت لوزة
وشق يدخل المية
وحرمة مريضة متعوسة
وحظه شايف الحوسة
وناس وبتاكل الكوسة
مع اللحمية
وبتحلي ببسبوسة
وهو في الزمن الاغير
حزين والعيشة موكوسة

الغربة رحاية

بتخرج ليه من بيتك
في الضلمة
وبتمشي طريق مش عارف آخره
ويتحكي للناس أسرارك
وتفسر أحلامك ليه؟
وتغني الأحزان مواويل
وتقول الآه وتردها وراك الناس
تبعك لك أمك جوابات
إزاي أحوالك .. هو انت يا واد
مبسوط

زي الناس ما بيحكوا عليك
والصحة سليمة وعال العال
لا يا اماية
السكة طويلة ومرة
مليانة حوارى وتجاعيد
تعايبين وحيثان.. غربان وعقارب
في شبر المية .. أنا غرقان
ولا حد يعول همّ الغلبان
والسمك الضخم يا أمي بياكل كل الصير
لو ينفد من شبك الصيد
والغربة رحاية بتطحن ..
أعمار الناس
نبتتها شيكات
نرجع توأبيت .. توأبيت
كداب يا اماية .. اللي يقول لك
أنا عشنت سعيد
في ليالي الغربة الكدابة

دا بيسهر ليل ونهار شقيان
بيصيد أحلام كلها أو هام
ويوفر من وقته ثواني
لأجل ما يكتب لك سطرين
عن كل ما شافه ف أيامه
اللحمة بذل. وحياة الغربة العلقم مر
يا امية أقوم م الفجر اتوضى واصلي
أخرج على برة استقبل رزقي
واطلب من ربي.. يوسع كل الأرزاق
واعود هلكان
على أوضه ..
ملانة بني آدمين
الكل يشيل فوق.. كتفه الطين
والقلب حزين
باكتب يا اماي
أحوالي وأحوال الناس
وقلمي

من كتر كتابتي وضغطي عليه
كان يصرخ ويصرّ
ويقول خبر ايه؟
وانا اقول ما عليكش يا صاحبي ...
وبكرة تهون
راح تمشي الضلّمة
ويجي النور.

الكويت في ١٤/٩/١٩٧٧م
وتم تنقيحها في أواخر ٢٠٠٤



العلامة

(١)

"ديور" يشرف

يفتح مصانع

ينتج ملابس

آخر موديل

تلبس بناتنا

وتمشي عايقة

م السيدة لسيدنا الحسين

ونقول دي موضه

تحلا الحكاية

والبنت تبقى

قصة ورواية
والغصن باين
طارح جناين
رمان سيوطي
عاشق سكوتي
والكل شاييف
ورد الشفايف
والكل نايم بين الجفون
والكل راضي
ويقول مرادي
تيجي أوروبا
تسكن بلادي
يارب ترضى
يا شيخ "ديور"

الجيزة ٢٠٠٥/١/٤

(٢)

هاتخلعك يا هرم
ونلبس القلعة
نقطع لسان الفصيح
ونطرش السامعة
نمنع وصول العلم
من الروضة للجامعة
ونصدرك يا نيل
قدام عيون سامعة
نفتح جميع البيبان
من السبت للجمعة
تعدي كل الحيتان
م البحر للترعة
نبلع كبير السمك
وما فيش قلوب دامعة

الجيزة ٢٠٠٥/١/١٩

﴿٣٣﴾

(٣)

عیش واتستر
وابقي جبان
اوعاك تظهر
اوعى تبان
لاحسن يظهر
عمك بوش
تبقى بغاشة
ومين ها يحوش
يشربوا مية
عليك وتبوش
تبقى يا بابا
في خبر كان..

الجيزة ٢٠٠٥/١/٢٥

﴿٣٤﴾

وطن حزين

يا عقد أُمي اللي انفرط
في أرض العرب
والحزن خيم على البلاد
لطم العرب شجب العرب
ولا حد سائل في العباد
يا مشنقة منصوبة في الميدان لنا
لاجل العباد ما تتكتم
ولا حد ينطق بالكلام
وحلفت يا امه ما تلمي عقدك
غير لما يمشوا الكلاب
وكنمت غلّك جوه صدرك

لاجل ما يعيش الولاد
وزرعت زرة للسلام
فوق الغمام
لاجل ما تنزل مطر
يغسل قلوب الظالمين
ويصحي فيك الغافلين
بعد اما ناموا مرغمين
ياخدوا بتارك يا وطن
وتعيش كريم.

نشرت هذه القصيدة بكتاب الوعد الأدبي
العدد ١٨ - ٢٠٠٣

بغداد

بغداد تتادي
ع الوطن
فين الولاد؟
اصحوا وقوموا
يا عرب
بين العباد
قبل اما ياخذوا أرضنا
ونبقى بعنا بخطرنا..
الأرض ف مزاد
يا هل تري مين بعدها

يا اهل البلاد
بغداد تتادي
ع الوطن
فين الولاد؟

نشرت هذه القصيدة بجريدة آفاق عربية - ١٨ ديسمبر ٢٠٠٣




أصل اللعبة

بان على وشك أصل اللعبة
لما بديتها ف أرض الكوت
جاي تصطاد في المية العكرة
واحنا رضىنا بالمكتوب
قلنا تشيل مغرور وتغادر
جبت الكورة ف أرض الملعب
إنت فاكرها دوري وكان
تغلب فرقة تروح للتانية
لما تشطب كل الناس
وانت الفايز تاخذ الكاس

لازم تعرف إن بلدنا
فيها فوارس فيها حراس
بس الأول يركبوا مادنّة
يطوف حواليتها كل الناس
يبقى إله الكون يرعانا
وملايكته حتكون حراس.

نشرت هذه القصيدة بكتاب الوعد الأدبي - مايو ٢٠٠٤



شہید الأمة

كان مناضل كان صميم
ع القضية كان أمين
رمز ثابت للجهاد
عمره ما خان البلاد
قلبه كان زي الحديد
رغم إنه كان مصاب
ينطق الكلمة بلسانه
يندفع مليون شهيد
يرعب الكل ف مكانه
يهدم الغدر الشديد

كان بيّمنى الشهادة
فوق جبينه تاج عبادة
رغم أنف المعتدين
الشهادة فخر ليه
ولجميع المؤمنين
النهاية اهو مات ياسين
مات ولكن
عاش ياسين
في قلوب الطيبين
في صفوف الخالدين
عمر ما تموت القضية
واحنا بيها مؤمنين
كلنا (أحمد ياسين).

السلام في النعش

مات السلام
والنعش طائر في السما
والقبر مفتوح للحمام
وما فيش حاجة عندنا
غير الشجب والملطمة
نسمع وعود وما فيش فعال
وأباتشي جاية تصيد حمام
صادت شهيد بعده شهيد
وحماس بتلطم ع الخدود

تعاين بتهرب م الجراد
فين الحماس فين الجهاد
فين هم أبطال البلاد
فين الأسود
رنتيسي مات
جوه الحدود
بقى ذكرى عايشة في القلوب
وياسين بيستقبل شهيد
ووراه شهيد
واحنا الأيادي في الحديد
مستنيين مين الشهيد؟
والكل يتفرج هنا
السيرك يعرض ملحمة
متحركة متربطة

متألفة متلحنة


حطينا روسنا في التراب

زي النعام

يا رب حوش

م اللي احنا فيه

وم اللي جاي في الملحمة.






شمر دراعك

شمر دراعك يا جدع
واكتب حروف اسمك
إمسك بإيدك فاس
إرسم خطوط ع الأرض
إنحت بهية ف شوق ياسين
بالطول كمان والعرض
من الفرات للنيل
حتى حدود الغرب
إعرف حدود وطنك

إعشق تكون يا واد شهيد
تروي بدمك أرضها
ولا تكونش ف يوم خسيس
والغرب يحكم فيك.



محمد الدرة

طلع محمد ويا أبوه
ودع لعبه وأمه وفات
رايح السوق هيجيب طلبات
لقى قدامه عدو جبان
يضرّب ما بيرحم إنسان
حاول أبوه علشان يحميه
بس الموت كان جاي قبله
صاده ف قلبه بالرصاصات
عشنا معاه أيام نتألم
يوم ورا يوم اهو عدي وفات
نسينا الدرة والحكايات

وفضل دمه في الطرقات
ع البراميل ينزف في آهات
جانني محمد عزّ النوم
قال لي يا ابوي إصحي وقوم
خد لي بتاري
م اللي رموني بالرصاصات
قلت هاقوم مش هانسى..
يا والدي
صورتك دايماً جوه خيالي
هزت قلبي وكل كياني
صوت الطلقة جوه وداني
إوعى تظن ف يوم هانساك
دمك صابغ كل هدومي
أمك ما لية الدنيا عياط
إوعى تظن ف يوم هانساك.

مستنيك

ويمر الليل ... وأنا مستنيك
وعيني تبص ... على الشبايبك
واقول يمكن ترجع لي
لا ف مرة رجعت
ولا قلت أنا حيت
الليل بيخلص ويعدي
واتذكر كل الحكايات
ليالينا ام التوب الوردي
خلصت وبسرعة بدون إشارات
لاطيفك يجي يسلمني
ولا بيعت حتى الجوابات

مشتاق لك .. تيجي يا اعز حبيب
وف حضني ثقلي توابيت
تفتح شبابكي المقفولة
وتقول حواديت
وترجع لي الضحكة الأولى
وعشان كده ... مستنياك

الجيزة في أواخر ٢٠٠٣


بعد هجرک


بعد رجوعك لي
ايه راح تعمل في؟
ناوي ترضى علي
والا تجرح في
جرحت قلبي كثير
جروح ما لهاش مثيل
مشيت مع التيار
فضلت انا محتار
سهران في ليل ونهار

مشتاق أنا لرضاك
حرام تكون قاسي
وقلبك يبقى ناسي
تسييني ليه متحير
مش عارف اتخير
الجنة والا النار
أنا قلت بعد الهجر
بالشوق هترجع لي
ونعيش كما الأحلام
أتاري هجرك لي
كله عذاب وأسية
هاسيبك للتيار
يمكن تشوف لك عبرة
وترجعك الايام
للود والذكرى
تلقاني مستتي

للود متمني
والقلب بيغني
مشتاق أنا لرضاك

الجيزة في ١٠/٤/١٩٨٣





القمرية

ولأول مرة أشوف الصبح
وهو بيطلع ويصحي معاه القمرية
ليه وش البدر تمام
وقوامه ف عود الخيرزان
ولأول مرة أشوف بعيني
عيون الغزلان
وبأشوف المهرة المحبوسة
لأول مرة تخطي
وشعر بينزل ع الخدين
زي شعاع الشمس النازل

عند غروبها ف سطح المية الصافية
ولأول مرة أشوف شفايفها
لما تهل .. بنسمة .. زي عبير الفل
وساعتها اتحرك قلبي واتكلم بيقول للكل:
أنا أول مرة أحس بحب
وكأنه بيدعي الناس على فرح كبير
يحكي لهم عن قصتنا
عن أجمل وردة ف حنتنا
ليها بسمه جميلة اما تفتح
ليها نظرة بدر اما تصيح
وصباحها يكون ع الدنيا..
أحلى صباح
مكتوب على ثمرة تفاح
منقوش بالتل
وكأنه لأول مرة يحس بحب.


الجيزة ٢٠٠٢/٨/١٥

زهرة في بستان

أميرة حبي يا حياتي
يا أول زهرة في البستان
يا نني العين ... يا أحلامي
يا نور الدنيا قدامي
يا عنواني في كل مكان
لولاكي ما طرح بستان
ما طلع قل أو ريحان
عشقت الدنيا من أجلك
سقيت الورد من حبك
رعتك في النهار والليل

لقينك تكبري جنبي
تعيشي معاي أحلامي
تراعي معاي بستانتي
بكل أمان ... بكل حنان
أميرة حبي يا حياتي
يا أول زهرة في البستان.

الجيزة ٢٠٠٢/١٠/١٥



نخل بابل

بابل أرض الحضارة
كلك علم ومنارة
نزرع أرضك كنابل
تطلع بالشوق سنابل
وتولد ألف جيل
بابل أرض الكفاح
نرفع نخلك سلاح
يوم ما يريد الإله
في وش المعتدين
تمرك هو البارود
في أيدينا ع الحدود
بيرد المعتدين..

الجيزة ١٩٩٧/٦/٣



المحروسة

(تعظيم سلام)
للجهات الأربعة
مصر المحروسة
ع الخريطة مربعة
والنيل عريس
حاضن تراثها وأرضها
يروي جنوبها وشرقها
يروي شمالها وغربها
والسد عالي والهرم
شاهدين لها

وترابها حنة وزعفران
مزارعها من قل وريحان
وبروجها وأسراب الحمام
بالقمح مليانة الغيطان
تشهد تاريخها ومجدها
والقطن زينة أرضها
والتين زتون
والنخل من فوقه اليمام
يذكر إله واحد كريم
يارب تحرس أرضها

الجيزة ٢٠٠٤/٨/٨

العين بالعين

(١)

العين بالعين
ولإمتى هنفضل بنى آدمين
النص صريح
والكلمة يتهرب من بقي
الحق جبان
خائف لا يبان
فارد جناحاته
والكلمة طبعاً للجاني



عطشان ملهوف
على كلمة حق هتصفني
وقاتلني الخوف
من كلمة ظالم تبعدني
ملعون اللي يقول الحق
الأفضل يمشي ف ضل الحيط
ويطاطي الراس
ويكون خناس
ويسلم أمره للحراس
ويعيش مقهور
وبلاش نقول العين بالعين

(٢)

(اختار لك حلّ من اللي اتنين)
لا تكون الظالم لا المظلوم
وبلاش نقول الحق لمين
خلص وارتاح .. ريحني معاك
خليني أنام .. مرتاح البال

وبلاش أضيّع عمري معاك
ما انت المسئول عن كل ما فات
ما انت اللي سقيتني المرّ كاسات
بطل ما تقولش الحق لمين
بلا عين .. بالعين
ولا سين ولا جيم
خلينا عايشين
كالبنّي آدمين

محكمة الجيزة الابتدائية ٢٠٠٤/٩/١٩



السراب

ع القضببان القطر مقبل
شايغه بيجري زي الريح
وبيسبق كل القطورات
رامي ذكره عمره الماضي
شايل حلمه وفكر جديد
بيفتش بايديه في الضلمة
ويدور على حلم سعيد
وبيقل كل الأبواب
عاشق ظلم الحلم الماضي

وبحكي للناس حواديث
ويقطع شريان كان واصل
بيننا وبينه بقى له سنين
وبيربط شريان مش واصل
جوه ف قلبه بلون الطين..

الجيزة ٢٠٠٤/١٢/١٢

كلمة صدق

كلمة صدق
ونفسي أقولها
دايرة ف فكري
بقى لها سنين
ترجع أرض القدس العربي
ونحرر كل فلسطين
كلمة صدق
ونفسي أقولها
جوه ف قلبي
بقى لها زمان

نفسى العالم
كله يصحصح
وتقوم ثورة
ف كل مكان
وتكون هي
النار القايدة
أعظم من أعظم بركان
ويعيش الكل..
ف حرية
ويسود العالم
إنسان

الجيزة ٢٠٠٤/١٠/٨

كراكيب

عربية وجاررها حمار
بتوصل مخاليق شقيانة
مطحونة م الدار للنار
وصاحبها راجل غلبان
بيحكي لصاحبه الأحوال
كراكيب بيحمل ويفضي
ويعدي كل الأزمان
وزماته بياخد وييدي
وحماره على هذا الحال
لا ف يوم يجدد عربيته

ولا بدل جشبه بحصان
عربية وبدون عجلات
ويوماتي تركب خواجات
وف كل محطة بيحلا لهم
يتهنوا ف أرض البشوات
جايين ييمصوا في حليبنا
ويسيبوا الأرض ف ظلمات
وصاحينا يبيع العربية
قال إيه بشوية
دولارات

الجيزة: ٢٠٠٤/٩/٥

سبني ارتام

بيني وبينك
لما بتبعد
أحس بغربة
من جواي
يقتلني الخوف
أرفع إيدي
أنده
على حد يونسني
القاني تايه
في الملكوت

ألقاني .. ف جنة
على ضفة نهر
حجارتة مرجان وياقوت
والمية .. أحلى من الشهد
بتحيي قلوب
وتصحي الحب
النايم جواي
وبنات الحور
بتحوم وتدور
والحلم كبير
واتمنى يدوم
أصحي م النوم
واحس بضيق
بيطبق كل ضلوعي
والنفس الطالع
من جواي

مخنوق بإيديك

أتمناك تبعد

وتسييني ارتاح

أفرد جناحاتي

وعيني تغمض

تصعد روعي

للملكوت


وأشوف النهر

أشرب م الشهيد

واعيش ويا

بنات الحور

الجيزة ٢٠٠٤/٣/٣



باتخيل

الأرض التسحبت
من تحت الرجلين
وايدينا بقت جناحات
زي الطير
والدنيا بقت غير الدنيا
طيور .. حيوانات
تشبه ديناصورات
والأشجار متشعبة
في الجو
وبيوتنا عشوش

فوق الأغصان
والدنيا دي .. ليل
ما لهوش نهار
وفجأة تطلع .. ديناصورات
تتحكم فينا
ألقاني
أنا والبني آدمين
طاييرين
في عالم مالوش حدود
بنخبط روسنا ..
ف بعضينا

الجيزة ٢٠٠٤/١١/١٦

العاشق

في يوم عيدك
فردت الحنة
في الشارع
زرعت النور
على الحيطان
فتحت لك بيبان قلبي
يعشش فيهم الكروان
وشفت الفرحة
في عينيكي بتحلم

(ميت سنة قدام)
باضفر لك ليالي الحب ...
ورد أحمر وزهر ريحان
وبنتادي .. أرد عليكى..
في الوادي
ها تلقيني
ما بين الخضرة والمية
أنا العاشق وأنا الولهان
أنا الراسم عيون حلوة
على الشيطان
أنا السايح بدون مجداف
أنا المشتاق
أكحل عيني بترابك
واسجد جوه محرابك
تزوريني
أكون ملكك

تكوني لي
أنته في بحر مملكتك
وأعشق كل ما فيها
من القاصي إلى الداني

الجيزة ٢٠٠٥/١/٢




هارب

خائف من إيه؟
هربان من إيه؟
ضاقت بيبك الدنيا
ركبت الريح
دايس على جرحك
كام وسواس
رايح على فين؟
وهتقدر تهرب من أيامك
فاكر إن الدنيا الثانية
فيها سعادتك

لا والله
الهم الباقي جواك
هيجرك أو هامك
هيجليك عايش في الموت
كل دقيقة
هيجليك تدبل جواك
واوعي .. تسلم نفسك يوم
أفضل حاجة تواجه نفسك
تركب نفس الريح وتعود
ما يسيطرش الخوف على روحك
ويكلش قلبك جوة إيديك
اعشق تبقي البادي ف يوم
وامسك سيفك
واضرب بيه كل الأوهام
تقتل كل الهم ف قلبك
تقتل كل الشر .. ف غيرك

تسعد .. بالأيام الجاية
تحلم إنك صرت الفارس
وتحطم كل الأغلال
ابدأ حلمك
إزرع كل الدنيا ورود
شوف الفرحة
أما تعود
شوف المركب
أما تشق طريق
في الموج
وأما شراعها
يحارب الريح
شوف وتعلم
عيش أيامك
لأجل ما توصل للأحلام

الحيزة ٢٠٠٤/١٢/٢٣




نفسى أعيش

نفسى أعيش وياك
في شارع آخر الدنيا
واقول عنك حواديتي
وأكتب لك قصائد حب
ما تسمعهاش جميع الناس
واللي بيقولوا عليها وحشة
ما بتحليش كباية
واشرب من كوعي المر
واسقيك الشهد
وانور لك في العشة الضلمة

بعيني اللي باشوف بيها
نهاية الكون
وارسم لك لوحة
ما رسمهاش رسام
روميو لجولييت
واضفر لك مطرك
نازل من لوح الثلج
واغزل لك شعاع الشمس
أفصل لي منه قميص
اليس وتهيص
وتبان البسمة على وشي
اللي ما شاف الضحكة ف يوم
ونجمع مع بعض الحب
ونعيه في قلوبنا
ونوزعه على كل الناس
ونجمع قلبي وقلبك

ونخليهم واحد
ونقتل شاريننا ف بعضيها
ونشد العزم
ونكسر كل الأقالام
اللي بتعبي ف جوفها الدم
ونزيل الهم.. نلم الجرح
اللي بينزف غم.

الجيزة ٢٠٠٥/١/٢٣



مذقوني

صدقوني
الديبة جاية
جاية لينا الخير كثير
جاية أولاد الديابة
يشفطوا النفط الوفير
يدخلوا دور العبادة
يسعدوا الدب الخطير
يقتلوا أولاد الغلاية
يسلبوا منا الضمير
يحبسونا في الحظيرة

ناكل البرسيم كثير
يسكروننا ويسكي طازة
يربطونا في السرير
يكتبوا عقد المحبة
حتى لو كان في اسرائيل
يوضعوا قوانين جديدة
يطبعوا قرآن ودين
افرحوا يا اولاد بلدنا
واقبلوا هذا المصير
تكتمل بينا الخريطة
(م الفرات ولحد نيل)

الجيزة ٢٠٠٥/٢/١٥

راجعين

(١)

ملعون أبوك
يا فتوة الحقة
جايب الجيران وياك
بنقسم الفتة
لملم كلابك.
دا الولاد جايين
ياخدوا بتار السنين
ويخلوا سننك طين
اركب مراكبك


واعرف طريقك فين
حالفين لنيجي
وعددنا بالملايين
نقش ما نخلي
غربان ولا تعاين
ونغرق الباقي
في موقعة حطين

(٢)

عاشق تقول السلام
طالع يا واد لأبوك
وقبلتك أهل سام
مش قبلة الإسلام
خلاص بقى عرفناك
وكشفنا دي اللعبة
حامي حمى الإرهاب
ومكسر القوانين

واما الحكاية تهذا
بتقوم بعملية
وتقول ده (بن لادن)
أو مجرمين تانيين
نهذ دين السلام
لموا بقي الإسلام
خلي الحقيقة تبان
ما احنا عرفناك كده
يا مؤسس الإجرام.

الجيزة ٢٠٠٥/٢/١٩



الرحيل

(١)

لما انت ناوي ع الرحيل
لما انت ناوي ع الفراق
جهزت شنطة سفر
قلت لحبابيك .. مهاجر
وكان قرار .. الاعتزال
طب حتى قل يا ناس وداع
لاجل ما نسلم عليك
قبل ما تلم .. العزال
وتروح .. بعيد
والا انت مختار سكنتك
ياه .. آه .. آه
ما انت اللي صابر ع الآلام

بمناسبة رحيل الشاعر محمد صابر مرسى ٢٠٠٥/١/٢٧

(٢)

ما أطيّبك من زمان
والبسمة هي ضحكك
شايلاً هموم الموجودين
زرع ومنبت في طين
شوكة وف ضهر الوطن
واقلام سنانها مكسرة ومكشّرة
تكتب سكوت
لأجل تموت الضحكة فيك
كابوس في عتمة وليل طويل
مرسوم على باب الزمن
على أمة غرقانة ف هموم
من غير أمل
مكتوب عليها الانتحار
يصبح قدر.

الحيزة ٢٨/٢/٢٠٠٥

مرثي

وكل طلعة شمس
يطلع معاها نهار
ينهّد فيّ الجبل
وتتقطع أوتار
يكشّر لي الزمن
يطلع انيابه
ومركب العمر
ماشية ف سكة الترحال
شراع بيملأ هوا
بيحركه التيار

أغوص في بحر الحياة
أغطس في أمواجه
أسكن في قلب الصدف
تعشقني جنية
تأخذ وتديني
ترميني في المية
يا هلترى اللي فات
يعود في يوم ثاني
والا خلاص مركبي
سكنتها أشجاني

الجيزة ٢٠٠٥/٢/١٧

عشقتك

عشقتك

قمر يبطل

من فوق كروم الحبايب

سبايط مغطيتها بالنل

لاجل الحبيب اللي غايب

كرادين في جيد النخيل


بتسقط علينا الرطايب

قليل أو كان كثير

يكفي جميع الحبايب

الجيزة ٢٤/٢/٢٠٠٥


﴿١٠٣﴾



مرام

قابلت كثير
وشفت كثير
وزيك ما لقيتش مثيل
بتأخذ قلبي بالأحضان
وتزرع ود جواي
وأحيانا تكون قاسي
يطير البرج من راسي
أفكر ليه بتهجرني
وتبعد وانت مش راسي

الجيزة ٢٠٠٥/٢/٢٢



فير!!

الأرض جفت م الغم
والظمي نبت بالحجر
والمية حبلى بالولد
شد الرجال
لأبعد وأعلى من الجبال
اللوحة خلّيت
من البشر

الجيزة ٢٠٠٥/٢/٢٢

المحتوى

٣	إهداء
٥	تقديم للدكتور يسرى العزب
٧	هيحصل إيه؟
٩	الجدة بيته
١١	إمتى هتصحوا
١٣	بشرة خير
١٥	لقطات
١٩	ديمشتت
٢١	النير الطيب
٢٣	الإيد الشقيانة
٢٥	لمحة
٢٧	الغربة رحاية
٣١	العولمة
٣٥	وطن حزين
٣٧	بغداد
٣٩	أصل اللعبة
٤١	شهيد الأمة
٤٣	السلام في النعش
٤٧	شمر ذراعك
٤٩	محمّد النّرة
٥١	مستنيك

٥٣	بعد هجر ك
٥٧	القمر اية
٥٩	زهرة في بستان
٦١	نخل بابل
٦٣	المحروسة
٦٥	العين بالعين
٦٩	السراب
٧١	كلمة صدق
٧٣	كر اكيب
٧٥	سيني ارتاح
٧٩	باتخيل
٨١	العاشق
٨٥	مارب
٨٩	نفسى اعيش
٩٣	صدقوني
٩٥	راجعين
٩٩	الرحيل
١٠١	مرثيتي
١٠٣	عشقتك
١٠٥	حرام
١٠٧	خير

صادر من مطبوعات الفجر

١	تغريبة عبر زلق الهلالي	دراما شعرية	د. يسري العزب
٢	الهاموش	قصص	حسن نور
٣	المبعدون	قصص	إدريس علي
٤	حكايات مصرية	قصص	د. نجدي إبراهيم
٥	الدائرة	رواية	د. نجدي إبراهيم
٦	شجرة مريم	شعر	د. يسري العزب
٧	تأملات في الفن والثقافة	نقد	د. محمد حسن عبدالله
٨	لمسيات عائلية هادئة	قصص	منتصر ثابت
٩	شجر الليمون	شعر	خالد الشوقاتي
١٠	عصفور الحب	شعر	نجاح خليل
١١	حتى لا يطول الانتظار	قصص	محمد نور الدين
١٢	اكتب عمري	شعر	ليلى محمد علي
١٣	زائر بعد منتصف الليل	رواية	منجحة بو زيد
١٤	خاطنة في الجنة	رواية	يحيى سليمان
١٥	النملة والحداية	شعر للأطفال	عزت زايد
١٦	واحد اثنين	شعر للأطفال	عزت زايد
١٧	المراهن	رواية	سيد أمين
١٨	فيكي ايه يتحب؟!	شعر	جلال صياد
١٩	فرس جامح	شعر	ليلى محمد علي
٢٠	حريم الملح والسكر	مسرحية	محمد الغيطي
٢١	قمر المغارب	شعر	د. يسري العزب
٢٢	الدنيا جاية	شعر	د. فاطمة الحفني
٢٣	أه يا وطن	شعر	م. منى عوض
٢٤	تخاريف	شعر	نبيل أبو السعود
٢٥	ليلة دافنة	قصص	فرج محمود
٢٦	ضباع الطريق مننا	شعر	عبد الحميد فرج
٢٧	بشرة خير	شعر	مجدي حمودة

رقم الإيداع ٢٠٠٥/٨٦٧٧

زود للطباعة والكمبيوتر